

Allanngutissatut siunnersuut

uunga

**Uunga siunnersuut: Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq**  
(Attaveqaqatigiissutinik elektroniskiusunik suliassaqarfimmi aalajangersimasumi unammilleqatigiinnermik aqutsinerup aningaasalersorneqarnera Unammilleqatigiinnermut Ataatsimiititaliamilu ilaasortassanik toqqaasarneq)

Naalakkersuisunit aappassaaneerinninnissamut saqqummiunneqartoq.

Qulequtaanut

1. Qulequataa ima oqaasertalerneqassaaq:

**“Unga siunnersuut: Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxxx 2019-imeersoq**  
(Suliaqarfii aalajangersimasut siunnerfigalugit elektroniskiusunik attaveqaqatigiinnermut atallugu unammilleqatigiinnermik aqutsinerup aningaasalersornera kiisalu Unammilleqatigiinnermut Ataatsimiititaliami ilaasortassanik toqqaasarneq)”

§ 1-imut

2. Nr. 1-imi qulequassatut siunnersuutigineqartoq aamma § 23 s imatut oqaasertalerneqassapput:

*“Suliaqarfii aalajangersimasut siunnerfigalugit unammilleqatigiinnermik aqutsinerup aningaasalersornera*

**§ 23 s. Suliaqarfii aalajangersimasut siunnerfigalugit elektroniskiusunik**  
attaveqaqatigiinnermut kiffartuussinernullu atallugu unammilleqatigiinnermik aqutsinerup aningaasalersorneranut attaveqaqatigiinnermut attaviliisarnermut pisussaaffilerneqarsimasut tuniniaasartut, tak. § 23 j, allaffisornermut akiliummik akiliisassapput.

*Imm. 2. Atuisartoqarnermut Unammilleqatigiinnermullu Aqutsisoqarfik akiliutip, tak. imm. 1, attaveqaatinik tuniniaasartut akornanni qanoq agguaanneqarnissaa pillugu aalajangiisassaaq.*

*Imm. 3. Imm. 1 naapertorlugu akiliut Aningaasanut inatsimmi aalajangerneqartassaaq.”*

**3. Nr. 2-mi** siunnersuutigineqartoq § 27 imatut oqaasertalerneqassaaq:

” **§ 27.** Unammilleqatigiinnermut Ataatsimiititaliaq siulittaasoqarpoq arfinilinnillu ilaasortaqluni.

*Imm.2.* Siulittaasoq ilaasortallu piffissamut ukiut sisamat tikillugit sivisussusilimmut Naalakkersuisunit toqqarneqassapput.

*Imm. 3.* Unammilleqatigiinnermut Ataatsimiititaliaq pisortani namminersortunilu inuussutissarsiornermi suliffeqarfinnut tamatigoortunik ilisimasaqassaaq, ilanngullugit inatsisilerinermut, aningaasaqarnermut, aningaasalersuisarnermut aamma atuisartoqarnermut tunngassuteqartut.

*Imm. 4.* Siulittaasoq aamma Unammilleqatigiinnermut Ataatsimiititaliam i laasortat ikinnerpaamik pingasut inuussutissarsiornermi atuisartoqarnermilu soqtigisaqarnermut attuumassuteqassanngillat.

*Imm. 5.* Naalakkersuisut inuussutissarsiornermut kattuffiit ataatsimoortut inassuteqarnerat malillugu ilaasortaq ataaseq, atuisartoqarnermut kattuffinnit ataatsimoortunit inassuteqaat malillugu ilaasortaq ataaseq, aamma kommunit ataatsimoorlutik inassuteqarnerat malillugu pisortat inuussutissarsiornermik ingerlatsinerannik immikkut ilisimasaqartoq ilaasortaq ataaseq toqqartassavaat.

*Imm. 6.* Unammilleqatigiinnermut Ataatsimiititaliam i laasortat inuttut suliatigullu piginnaasaqarnerat tunngavigalugu toqqarneqartassapput, aammalu sulinermanni arlaannaannulluunniit attuumassuteqanngitsumik attutissallutik.”

Siunnersummut nassuaatit

### **Nalinginnaasumik nassuaatit**

Inuussutissarsiornermut Aatsitassanullu Ataatsimiititaliap isumaliutissiissutaata malitsigisaanik allannguutissatut siunnersuut saqqummiunneqarpoq. Siunnersummi taamaalilluni allannguisoqarpoq allaffissornermut akiliut taamaallaat unammilleqatigiinnermut inatsit naapertorlugu akileqquneqarsinnaalerlugu. Tamatumma saniatigut allannguutissatut siunnersuutip kingunerissavaa kommunit ataatsimoorlutik Unammilleqatigiinnermut ataaatsimiititaliam i laasortassamik immikkut pisortat inuussutissarsiornikkut ingerlatsinerannik ilisimasaqartumik toqqaasassasut.

Taamatuttaaq oqaaseqaatitigut allannguuteqartoqarpoq.

### **Aalajangersakkanut ataasiakkaanut nassuaatit**

Nr. 1-imut

Allannguut qulequtaanut inatsisilioriaatsikkut naqqiutaavoq.

Nr. 2-mut

Oqaasertaliinerup allanngortinneqarnera Inuussutissarsiornermut Aatsitassanullu Ataatsimiititaliap ilaatigut akilummik aamma akitsuutinik akiliisarnerup pillugu erseqqissaanissamik kiisalu niuerfiusuni ineriantornermut sillimanissamik kissaateqarnermik tunngaveqarpoq.

Nr. 3-mut

Unammilleqatigiinnermut Ataatsimiititaliap katitigaanerani kommunit sunniuteqarunnaannginnissaaannik Inuussutissarsiornermut Aatsitassanullu Ataatsimiititaliap kissaateqarneranik allannguineq tunngaveqarpoq.